

# Galicia Encantada



ANIVERSARIO  
2005 \* 2025  
Enciclopedia de Fantasía Popular de Galicia

## Micromitos

### CATEGORÍAS RELACIONADAS

#### *Micromitos 028: A corna do escornabois*

As mandíbulas (cornos) do escornabois ou vacaloura macho sempre se consideraron amuleto profiláctico contra males e maxias. Ás veces chámaselles alicornes, crendo que son cornos de auténtico unicornio.

Estes insectos voan pola fresca nas noitiñas de verán e a rapazada, quizais sen decatarse de que están en perigo de extinción, cázaos e xúngueos a un carro de xoguete como se fosen vacas.

Como amuleto lévanse os cornos no peto, pendurados nunha cadea do pescozo ou do pulso para que afasten bruxedos, ánimas, envexas, meigallos, mal de ollo e doenzas como o enganido, tangaraño, coxo... Tamén protexe as casas dos raios se o pousamos nas ventás.

A auga onde estivesen a remollo leveda mellor a masa e cura mordeduras de animais venenosos.

Conta R. Quintía que en Salcedo (Pontevedra) usábano os pescadores para favorecer a pesca.

Nunha xoiería de Lugo fabricábase o anel de alicorne, unha sortella feita con prata que pertencese a sete mulleres chamadas María.

Levaba un estoxo con raspaduras de corno de vacaloura e servía para coutar a epilepsia e para preparar as

profilácticas augas de alicorne.

**Serie:** *Micromitos*

**Publicación:** *Nós Diario*, 8 de outubro de 2020.

**Locución audio:** *Rocío Romero Otero*

Your browser does not support the audio element.